

## Рамазон - Қуръон ойи



19:32 / 23.03.2023 2223

Аллоҳ таоло бу ойда Қуръони Каримни нозил қилди. Расулуллоҳ соллаллоҳу алайҳи васаллам бу ойни Қуръон ойи қилиб нишонлардилар. Ўтган солиҳлар ҳам Қуръонни ўрганиш, такрорлаш ва хатм қилиш билан ўтказардилар.

Алҳамдулиллаҳ, кеча юртимиз жомеларида таровиҳнинг илк куни гўзал тароват билан ўтди. Қориларимиз Қуръони Каримнинг илк оятларидан «Бақара» сурасининг 202-оятигача ўқидилар.

Бугун Қуръонга муҳаббатли халқимиз «Бақара» сурасининг 203-оятидан бошлаб «Оли Имрон» сурасининг 91-оятигача сомеъ бўладилар.

Яна бир Рамазон тухфаси — эндиликда халқимиз таровиҳ намозида тиловат қилинаётган оятларнинг мазмуни ҳақида суҳбатлардан ҳам баҳраманд бўладилар.

Бугун, 23 март Рамазон ойининг биринчи куни ўқиладиган ояти карималар мазмунини Учтепа тумани «Ҳазрат Али» жомеъ масжиди имом-хатиби устоз Салоҳиддин домла Шарипов қилиб берадилар.

**Ўзбекистон мусулмонлари идораси Матбуот хизмати**